

0001, ekonomski kod 614-500, pozicija „Subvencije preduzećima u privatizaciji i podsticaj u industriji“

Član 3.

(Obaveza korisnika sredstava)

Općina Vareš obavezna je da Ministarstvu za privredu dostavi izvještaj o realizaciji Projekta sa svim bitnim dokazima o utrošku sredstava.

Član 4.

(Provodenje Odluke)

Zadužuju se Ministarstvo za privredu i Ministarstvo finansija, da realizuju ovu odluku u skladu sa zakonom i podzakonskim aktima, svako u okviru svoje nadležnosti.

Član 5.

(Stavljanje van snage)

Ovom odlukom stavlja se van snage Odluka o dodjeli finansijskih sredstava za izgradnju drvene brynare „Suvnirnica“ na Kraljevskom gradu Bobovcu, općina Vareš, broj: 02-14-27855/12 od 14.12.2012. godine „Službene novine Zeničko-dobojskog kantona“, broj 20/12).

Član 6.

(Stupanje na snagu)

Odluka stupa na snagu danom donošenja i objavit će se u „Službenim novinama Zeničko-dobojskog kantona“.

Broj: 02-14-6463/13.

PREMIJER

Datum, 20.03.2013. godine

Zenica

mr.sci.Fikret Plevljak dipl.ing., s.r.

109.

Na osnovu člana 16. stav 2. Zakona o Vladi Zeničko-dobojskog kantona-Prečišćeni tekst („Službene novine Zeničko-dobojskog kantona“, broj 7/10), a u vezi s članom 148. Zakona o visokom obrazovanju Zeničko-dobojskog kantona („Službene novine Zeničko-dobojskog kantona“, broj 6/09), na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona, na 104. sjednici, održanoj dana 25.03.2013. godine, donosi

ODLUKA

O STANDARDIMA I NORMATIVIMA ZA OBAVLJANJE DJELATNOSTI VISOKOG OBRAZOVANJA NA PODRUČJU ZENIČKO-DOBOJSKOG KANTONA

DIO PRVI -PREDMET

Član 1.

(Predmet Odluke)

- (1) Ovom odlukom utvrđuju se standardi i normativi za obavljanje djelatnosti visokog obrazovanja u Zeničko-dobojskom kantonu (u daljem tekstu: Standardi i normativi).
- (2) Visoko obrazovanje je integralni dio jedinstvenog sistema obrazovanja i segment od posebnog javnog interesa, koji je neophodno zasnovati na savremenim dostignućima nauke, tehnike i tehnologije, na modernoj pedagoškoj teoriji i praksi, humanizmu i etici te staviti u funkciju ospozobljavanja mlađih i odraslih za rad, kao i obezbijediti uslove za njihovu stručnu nadogradnju.
- (3) Standardi i normativi se utvrđuju u skladu sa specifičnostima visokog obrazovanja, kao i realnim materijalnim mogućnostima Zeničko-dobojskog kantona.

Član 2.

(Svrha i cilj utvrđivanja Standarda i normativa)

- (1) Standardima i normativima se stvaraju mogućnosti, odnosno utvrđuju obaveze u vezi sa reformiranjem cjelokupne strukture sistema visokog obrazovanja, što će doprinijeti da se nastavi proces uključivanja visokoškolskih ustanova u Zeničko-dobojskom kantonu u Evropski prostor visokog obrazovanja, a u skladu sa Bolonjskom deklaracijom, kojom je definirana prekretnica u razvoju evropskog visokog obrazovanja.
- (2) Cilj Standarda i normativa je da doprinesu stvaranju uslova da visoko obrazovanje u Zeničko-dobojskom kantonu, a time i u Bosni i Hercegovini, postigne što veću kompatibilnost i međunarodnu konkurentnost.
- (3) Cilj Standarda i normativa je, takođe, da se stvore i dodatni uslovi za priznavanje diploma/kvalifikacija, odnosno da se omogući jednostavnije i uspješnije kompariranje sa odgovarajućim diplomama/kvalifikacijama u Evropi i svijetu.

Član 3.**(Primjena Standarda i normativa)**

- (1) Pored Zakona o visokom obrazovanju Zeničko-dobojskog kantona, Standardi i normativi su polazni akt kojim se reguliše osnivanje nove visokoškolske ustanove, organizacione jedinice i studijskog programa.
- (2) Standardima i normativima se reguliše rad postojećih visokoškolskih ustanova.
- (3) Standardi i normativi se, takođe, primjenjuju kod utvrđivanja uslova za početak rada i obavljanje djelatnosti visokoškolske ustanove sa sjedištem izvan Zeničko-dobojskog kantona.

Član 4.**(Predmet Standarda i normativa)**

Standardima i normativima se utvrđuju kadrovski, prostorni i materijalno-tehnički uslovi neophodni za obavljanje nastavnog, naučno-istraživačkog i umjetničkog rada koji se ostvaruje na visokoškolskim ustanovama u skladu sa Zakonom o visokom obrazovanju („Službene novine Zeničko-dobojskog kantona“, broj 6/09).

DIO DRUGI-DJELATNOST VISOKOG OBRAZOVANJA I VISOKOŠKOLSKE USTANOVE**Član 5.****(Uslovi za obavljanje djelatnosti visokog obrazovanja)**

Utvrđuje se obaveza visokoškolskih ustanova da obezbijede uslove za obavljanje djelatnosti visokog obrazovanja, i to:

- a) da organiziraju i realiziraju teorijsku i praktičnu nastavu u obimu i kvalitetu utvrđenom u nastavnom planu i programu,
- b) da raspolažu odgovarajućim prostornim i materijalno-tehničkim resursima, primjerenoj prirodi studija,
- c) da raspolažu odgovarajućim ljudskim resursima (akademsko i neakademsko osoblje),
- d) da rad sa studentima bude u skladu sa pedagoškim standardima i normativima, pri čemu se realizira utvrđeni obim aktivnosti putem predavanja, vježbi, rada u seminarima, konsultacija i ispita, a u okviru predviđenih sati iz nastavnog plana i programa, odnosno u okviru 40-satne radne sedmice nastavnika i saradnika,
- e) da osiguraju provedbu Evropskih standarda i smjernica za osiguranje kvaliteta u evropskom prostoru visokog obrazovanja u dijelu koji se odnosi na unuta-

rnje osiguranje kvaliteta, kao i Standarda i smjernica za osiguranje kvaliteta u visokom obrazovanju u Bosni i Hercegovini.

Član 6.**(Visokoškolske ustanove)**

- (1) Visokoškolske ustanove su univerziteti i visoke škole.
- (2) Visokoškolska ustanova ima svojstvo pravnog lica.
- (3) Organizacione jedinice integriranih visokoškolskih ustanova nemaju svojstvo pravnog lica.

Član 7.**(Univerzitet)**

- (1) Univerzitet je visokoškolska ustanova koja se bavi nastavnim, istraživačkim i umjetničkim radom.
- (2) Univerzitet nudi sticanje diploma i akademskih stepena sva tri ciklusa studija.
- (3) Univerzitet realizira najmanje pet različitih studijskih programa iz najmanje tri naučne oblasti: prirodne nauke, tehničke nauke, biomedicina i zdravstvo, biotehničke nauke, društvene nauke i humanističke nauke.
- (4) Univerzitet u svom sastavu može imati organizacione jedinice kao što su: fakulteti, akademije, visoke škole ili naučno-istraživački instituti, koji izvode nastavni, naučno-istraživački i umjetnički rad u jednom ili više naučnih oblasti.

Član 8.**(Visoka škola)**

- (1) Visoka škola kao samostalna visokoškolska ustanova nudi sticanje diploma i akademskih stepena prvog ciklusa studija.
- (2) Visoka škola realizira najmanje jedan studijski program iz jedne naučne oblasti.
- (3) Visoka škola može izvoditi nastavu ukoliko kontinuirano svake godine upisuje u prvi ciklus studija najmanje 50% studenata od broja predviđenog Standardima i normativima.

Član 9.**(Naučno-nastavni proces na visokoškolskoj ustanovi)**

- (1) Naučno-nastavni proces na visokoškolskoj ustanovi predstavlja organiziranu aktivnost nastavnika, saradnika i studenata, usmjerenu na njegovu realizaciju.

(2) Kao osnovni standard za izvođenje naučno-nastavnog procesa utvrđuje se da za svaki predmet u nastavnom planu i programu mora biti angažiran verificirani nastavnik u skladu sa zakonom.

(3) Visokoškolska ustanova je obavezna da obezbijedi i drugo prateće osoblje za podršku naučno-nastavnom procesu.

Član 10. (Nastavni plan i program)

Nastavni plan i program mora biti zasnovan na ishodima učenja i donesen u skladu sa zakonom.

DIO TREĆI - PEDAGOŠKI STANDARDI I

NORMATIVI

POGLAVLJE I. BROJ STUDENATA

Član 11.

(Broj studenata na predavanjima)

(1) Pedagoškim standardima se definira optimalan broj studenata na predavanjima i broj studenata u grupi za izvođenje vježbi i rada u seminarima na svim nastavnim predmetima.

(2) Optimalan broj studenata na predavanjima po grupacijama naučnih oblasti utvrđuje se kako slijedi:

RB	Grupacija naučnih oblasti	Prva i druga godina studija	Ostale godine studija
1.	Biomedicina i zdravstvo, tehničke nauke /inžinjering i tehnologija	80 - 100	50 - 70
2.	Prirodne i biotehničke nauke	65 - 85	40 - 60
3.	Društvene i humanističke nauke	110 - 130	80 - 100
4.	Umetnost	do 40	do 25

(3) Naredna grupa se obavezno uspostavlja ako broj studenata koji prelazi optimalan broj bude veći od 50% od broja studenata utvrđene optimalne grupe za svaku godinu studija i odgovarajuću grupaciju naučnih oblasti.

Član 12.

(Broj studenata na vježbama i seminarima)

(1) Optimalna nastavna grupa studenata za vježbe i rad u seminaru utvrđuje se u skladu sa uslovima iz nastavnog plana i programa i to:

Redni broj	Vrsta - struktura vježbi i rada u seminaru za:	Broj studenata
1.	nastavne predmete iz umjetnosti na umjetničkim akademijama	3
2.	kliničke nastavne predmete na fakultetima medicinskih i zdravstvenih nauka; određene nastavne predmete na fakultetima inžinjeringu i tehnologije, stručne predmete na umjetničkim akademijama i nastavne predmete metodičke nastave na fakultetima humanističkih nauka	7
3.	pretkliničke nastavne predmete na fakultetima medicinskih i zdravstvenih nauka; nastavne predmete sa složenijim nastavnim procesom sa više od 50% eksperimentalnih, grafičkih i laboratorijskih vježbi, kao i za laboratorijske vježbe i vježbe predviđene u nastavi stranog jezika kao glavnog predmeta	10
4.	nastavne predmete sa 40% do 50% vježbi eksperimentalnog i laboratorijskog rada	15
5.	nastavne predmete sa 20% do 40% vježbi i eksperimentalnog i laboratorijskog rada	20
6.	auditorne, seminarske i terenske vježbe	25
7.	vježbe za tjelesni odgoj	30

- (2) Naredna grupa se obavezno uspostavlja ako broj studenata koji se dobije kao ostatak nakon uspostavljanja određenog broja grupa sa optimalnim brojem studenata u grupi, prelazi 50% broja utvrđenog kao optimalni broj u grupi za određenu vrstu vježbi, odnosno seminar skog rada.
- (3) U cilju što efikasnijeg praćenja ove oblasti, visokoškolske ustanove su dužne svojim nastavnim planovima i programima definirati kategoriju vježbi (broj studenata u grupi) za svaki nastavni predmet u skladu sa pregledom datim u prethodnoj tabeli.

POGLAVLJE II. PROSTOR, OPREMA, BIBLIOTEKA I OSTALI USLOVI

Član 13.

(Prostor visokoškolske ustanove)

Visokoškolska ustanova mora imati adekvatne prostorije koje kapacitetom i veličinom odgovaraju potrebama studenata i specifičnostima predmeta studijskih programa koji se realizuju i to:

- a) učionički, amfiteatarski i drugi prostor za izvođenje nastave: laboratorije, računarske učionice, prostor za praktični rad i dodatni prostor u skladu sa specifičnostima naučnih oblasti,

- b) bibliotečki i čitaonički prostor,
- c) kabinete za akademsko osoblje u radnom odnosu sa punim radnim vremenom,
- d) zbornicu za preostalo nastavno osoblje,
- e) prostor za rad tijela visokoškolske ustanove,
- f) prostorije studentskog predstavničkog tijela,
- g) prostorije administrativnih službi,
- h) ostali zajednički višenamjenski prostori: sale za sastanke, prijem posjetilaca, skladišta, ostave, arhiva.

Član 14.

(Potrebna površina prostora)

- (1) U cilju zadovoljavanja osnovnih pedagoških standarda, sanitarnih, zdravstveno-higijenskih i drugih prostornih uslova, utvrđuje se potrebna površina ukupnog prostora po jednom studentu, pri čemu struktura prostora mora zadovoljavati osnovne preduvode za održavanje naučno-nastavnog procesa, ali i druge životne uslove u pogledu: raspoloživog prostora po studentu, svjetlosti, temperature, funkcionalnosti, bezbjednosti i slično.
- (2) Potrebna površina po jednom studentu i odgovarajućoj oblasti studija utvrđuje se kako slijedi:

Redni broj	NAUČNE OBLASTI	Potrebna površina po jednom studentu
1.	Umjetnost	20m ²
2.	Biomedicina i zdravstvo	17m ²
3.	Tehničke nauke	15m ²
4.	Prirodne nauke	
a)	Matematika	8m ²
b)	teorijska fizika i geografija	10m ²
c)	hemija, biologija, eksperimentalna fizika i informatika	12m ²
5.	Biotehničke nauke	12m ²
6.	Humanističke nauke	8m ²
7.	Društvene nauke	6 m ²

- (3) Minimalna površina po jednom studentu ne može biti manja od 70% od površine utvrđene u ovoj tabeli.
- (4) Svakom studentu se mora obezbijediti sjedeće mjesto, u skladu s veličinom nastavnih grupa za predavanja i vježbe.

Član 15.

(Specijalizirani prostor)

Standardima i normativima se utvrđuje obaveza visokoškolskih ustanova, kao i osnivača, u pogledu obezbijedivanja odgovarajućeg specijaliziranog prostora za realizaciju nastavnog plana i programa, posebno u pogledu specijaliziranih radionica i laboratorijskih prostora.

Član 16.
(Čitaonički prostor)

Visokoškolska ustanova mora obezbijediti čitaonički prostor prilagođen grupnom i individualnom učenju, sa brojem stolica koji odgovara najmanje 10% od ukupnog broja redovnih studenata.

Član 17.
(Računarska oprema i mreža)

(1) Visokoškolska ustanova mora obezbijediti najmanje:

- a) jedan računar na 20 studenata (redovnih ili vanrednih) u računarskim učionicama,
- b) jedan računar i jedan projektor u svakoj učionici,
- c) jedan računar na 500 studenata u čitaoničkim prostorijama radi uvida u ukupan sadržaj kojim biblioteka raspolaže,
- d) jedan računar na 1000 studenata na pristupačnom mjestu u zgradbi, putem kojeg mogu prijavljivati ispite, informirati se sa matične web stranice i dr.,
- e) za akademsko osoblje u radnom odnosu s punim radnim vremenom jedan računar po osobi u kabinetima ili prenosivi računar,
- f) jedan računar u prostoriji studentskog predstavnika tijela,

(2) U ukupan broj računara u visokoškolskoj ustanovi računaju se i računari u kancelarijama administrativnog osoblja.

(3) Visokoškolska ustanova je dužna da obezbijedi stalnu internet konekciju, kao i odgovarajuće licencirane softvere.

Član 18.
(Biblioteka)

(1) Visokoškolska ustanova je obavezna da ima biblioteku koja vrstom i obimom bibliotečkog fonda osigurava neophodnu podršku nastavnom procesu, naučno-istraživačkom i umjetničkom radu iz oblasti iz kojih se izvode studijski programi.

(2) Visokoškolska ustanova mora obezbijediti odgovarajući broj stručnog bibliotečkog osoblja te prostorije i opremu za smještaj, čuvanje, obradu, izdavanje i korištenje bibliotečke građe.

(3) Bibliotečki fond se sastoji od:

- a) obavezne udžbeničke i priručničke literature koja pokriva sve studijske programe visokoškolske

ustanove (udžbenici, priručnici, zbirke zadataka, praktikumi, hrestomatije, i naučne i stručne monografije),

- b) odgovarajućeg bibliotečkog fonda općeg sadržaja,
- c) stručnih i naučnih serijskih publikacija (časopisi, zbornici radova s konferencija),
- d) diplomskih, magistarskih i doktorskih radova objavljenih na visokoškolskoj ustanovi i na drugim visokoškolskim ustanovama,
- e) publikacija u elektronskom obliku (publikacije na kompakt diskovima, CD-ROM-ovima, sadržaji na web stranicama).

(4) Biblioteka univerziteta treba da posjeduje najmanje 20.000 inventarnih jedinica bibliotečkog fonda, ne računajući u to diplomske, magistarske i doktorske radove.

(5) Biblioteka visoke škole, kao samostalne visokoškolske ustanove, treba da posjeduje najmanje 5.000 inventarnih jedinica bibliotečkog fonda, ne računajući u to diplomske, magistarske i doktorske radove.

(6) Sve inventarne jedinice bibliotečkog fonda moraju biti stručno obrađene, signirane i obilježene inventarnim brojem, pečatom biblioteke i evidentirane u inventarnim knjigama biblioteke.

(7) Visokoškolske ustanove mogu sklapati sporazume o suradnji putem razmjene bibliotečke građe, ali taj fond ne ulazi u ukupan bibliotečki fond.

(8) Univerzitet ili visoka škola kao samostalna visokoškolska ustanova treba da raspolaže dovoljnim brojem primjeraka obavezne literature za svaki predmet na svakom studijskom programu u odnosu na broj redovnih i vanrednih studenata, tako da osigurava neophodnu bibliotečku podršku nastavnom procesu i naučno-istraživačkom, odnosno umjetničkom radu iz područja iz kojih se izvode studijski programi. Udžbenici čiji su autori nastavnici visokoškolske ustanove trebaju obavezno biti zastupljeni u bibliotečkom fondu u velikom broju primjeraka.

(9) Biblioteka visokoškolske ustanove svojim korisnicima mora osigurati kontinuirani pristup internetu te ispunjavati i ostale kvantitativne i kvalitativne kriterije koji se odnose na bibliotečke resurse (suvremenost literature, referentnost preplaćenih časopisa, itd.).

(10) Biblioteka visokoškolske ustanove mora raspolagati odgovarajućim elektronskim bazama podataka koje omogućavaju uvid u njen bibliotečki fond i njegovo pretraživanje.

Član 19.**(Nastavna i ostala specijalizirana sredstava)**

- (1) Visokoškolska ustanova, odnosno osnivač, dužni su obezbijediti nastavna i ostala specijalizirana sredstva u skladu sa zahtjevima nastavnog plana i programa koji se realizira.
- (2) U nastavnom planu i programu obavezno se definiraju osnovna nastavna sredstva, odnosno oprema potrebna za realizaciju tog programa.

Član 20.**(Uslovi za studij i rad invalidnih lica)**

- (1) Utvrđuje se i obaveza visokoškolskih ustanova u pogledu omogućavanja pristupa i komunikacije invalidnih lica u unutrašnjem prostoru ustanove.
- (2) Pod optimalnim uslovima u pogledu prethodnog stava podrazumijeva se obaveza da se invalidnom licu - studentu ili zaposleniku, omogući samostalan pristup objektu, samostalna komunikacija u prostorima neophodnim za studij, odnosno rad (amfiteatar, učionica, laboratorija, biblioteka, čitaonica, toalet i drugo).
- (3) Minimalni uslovi u pogledu obezbjedenja uslova za studij i rad invalidnih lica podrazumijevaju obavezu univerziteta da omogući samostalan ulazak u objekat.

Član 21.**(Sanitarni uslovi)**

- (1) Utvrđuje se obaveza visokoškolskih ustanova, kao i osnivača, u pogledu obezbjedivanja sanitarnih uslova i odgovarajućeg broja WC kabina u skladu sa brojem studenata koji u isto vrijeme borave, odnosno rade u prostoru ustanove.
- (2) Minimalni broj kabina sa propisanim pratećim prostorom utvrđuje se tako što se na svakih 50 studenata koji borave i rade u jednoj smjeni obezbjedi po jedna kamera.

POGLAVLJE IV. KADROVSKI USLOVI**Član 22.****(Ljudski resursi)**

Visokoškolska ustanova može obavljati djelatnost visokog obrazovanja ako ima potreban broj akademskog i neakademskog osoblja u radnom odnosu sa punim radnim vremenom.

Član 23.**(Broj i struktura akademskog osoblja)**

- (1) Broj i struktura nastavnog kadra odgovarajuće struke, stručne spreme i zvanja, utvrđuje se u skladu sa zakonom, a na osnovu nastavnog plana i programa, vrste studija, broja studenata na predavanjima, vježbama i seminarima, te na osnovu utvrđenog opterećenja u pogledu broja časova predavanja, odnosno vježbi sedmično u toku jedne nastavne godine.
- (2) Visokoškolska ustanova može obavljati djelatnost visokog obrazovanja ako ima najmanje $\frac{1}{2}$ nastavnika i $\frac{1}{2}$ asistenata u radnom odnosu sa punim radnim vremenom, a preostalo akademsko osoblje se može angažirati iz privrednog, naučno-istraživačkog i drugog okruženja (do $\frac{1}{4}$ akademskog osoblja, a po potrebi i više), odnosno, iz reda gostujućih nastavnika (do $\frac{1}{4}$ akademskog osoblja).

Član 24.**(Sedmično opterećenje nastavnika)**

- (1) Opterećenjem nastavnika, uz ostale propisane obaveze u okviru 40-satne radne sedmice, smatra se opterećenje od 5 (pet) sati predavanja sedmično (150 sati predavanja u toku jedne nastavne godine).
- (2) Norma nastavnika u zvanju redovnog profesora sa napunjenih 60 godina života se smanjuje jer se polovina opterećenja prepusta docentu, pod nadzorom profesora, a u cilju kontinuiteta prilikom nasleđivanja predmeta.

Član 25.**(Sedmično opterećenje asistenta i lektora)**

- (1) Opterećenjem asistenta, uz ostale propisane obaveze u okviru 40-satne radne sedmice, smatra se opterećenje od 10 (deset) sati vježbi sa studentima sedmično (300 sati u toku jedne nastavne godine).
- (2) Opterećenjem lektora, uz ostale propisane obaveze u okviru 40-satne radne sedmice, smatra se opterećenje od 10 (deset) sati vježbi, odnosno, predavanja sa studentima sedmično (300 sati u toku jedne nastavne godine).

Član 26.**(Sedmično opterećenje laboranta)**

Opterećenjem laboranta, uz ostale propisane obaveze u okviru 40-satne radne sedmice, smatra se opterećenje od 20 (dvadeset) sati vježbi sa studentima sedmično (600 sati u toku jedne nastavne godine).

Član 26.**Član 27.****(Sedmično opterećenje nastavnika, asistenta, lektora i laboranta)**

Raspored obaveza nastavnika, asistenata, lektora i laboranata u okviru 40 satne radne sedmice utvrđuje se kako slijedi:

RB	OPIS	Nastavnici	Asistenti i lektori	Laboranti
1.	Predavanje i nadzor vježbi/vježbe	5	10	20
2.	Pripreme	5	8	20
3.	Konsultacije i mentorstva	10	10	-
4.	Komisije, naučno-nastavna/ umjetničko-nastavna vijeća, radna tijela	5	2	-
5.	Naučno-istraživačka djelatnost	15	10	-
6.	UKUPNO	40	40	40

Član 28.**(Maksimalno opterećenje nastavnika i saradnika)**

Nastavnici i saradnici u toku jedne nastavne godine ne mogu biti opterećeni više od dvostrukog broja sati nastave na sva tri ciklusa studija, odnosno vježbi sedmično, koji je utvrđen kao sedmično opterećenje.

Član 29.**(Sedmično opterećenje rektora i prorektora univerziteta)**

(1) Opterećenjem nastavnika koji je imenovan za rektora univerziteta, uz ostale propisane obaveze u okviru 40-satne radne sedmice, smatra se opterećenje od 20% od utvrđene nastavne norme.

(2) Opterećenjem nastavnika koji je imenovan za prorektora univerziteta, uz ostale propisane obaveze u okviru 40-satne radne sedmice, smatra se opterećenje od 30% od utvrđene nastavne norme.

Član 30.**(Sedmično opterećenje direktora visoke škole i dekana organizacione jedinice univerziteta)**

Opterećenjem nastavnika koji je imenovan za direktora visoke škole, odnosno dekana organizacione jedinice univerziteta, uz ostale propisane obaveze u okviru 40-satne radne sedmice, smatra se opterećenje od 40% od utvrđene nastavne norme.

satne radne sedmice, smatra se opterećenje od 40% od utvrđene nastavne norme.

Član 31.**(Sedmično opterećenje prodekana organizacione jedinice univerziteta)**

Opterećenjem nastavnika koji je imenovan za prodekana organizacione jedinice univerziteta, uz ostale propisane obaveze u okviru 40-satne radne sedmice, smatra se opterećenje od 50% od utvrđene nastavne norme.

Član 32.**(Sedmično opterećenje šefa odsjeka)**

Opterećenjem nastavnika koji je imenovan za šefa odsjeka visokoškolske ustanove, uz ostale propisane obaveze u okviru 40-satne radne sedmice, smatra se opterećenje od 60% od utvrđene nastavne norme.

Član 33.**(Broj bibliotekara, viših knjižničara/knjžničara)**

(1) Broj uposlenih bibliotekara i viših knjižničara/knjžničara utvrđuje se na osnovu broja upisanih redovnih studenata, kako slijedi:

BROJ STUDENATA	Broj bibliotekara	Broj viših knjižničara/knjižničara
Do 250 studenata	1	-
Od 251 do 500 studenata	1	1
Od 501 do 1000 studenata	2	1
Više od 1000 studenata	2	2

(2) Daljni broj viših knjižničara/knjižničara na onim visokoškolskim ustanovama čije biblioteke broje više od 40.000 inventarnih jedinica bibliotečkog fonda sistematizira se tako što se za svakih narednih 20.000 inventarnih jedinica sistematizira po jedan viši knjižničar/knjižničar.

Član 34.

(Zaposlenici u studentskim službama)

Broj zaposlenika u studentskim službama utvrđuje se na bazi upisanih redovnih studenata i to:

BROJ STUDENATA	Šef studentske službe	Broj evidentičara / referenata
Do 350	1	-
Od 351 do 800 studenata	1	1
Od 801 do 1300 studenata	1	2
Više od 1300 studenata	1	3

Član 35.

(Administrativni, računovodstveno-finansijski, upravljačko-stručni, drugi opći i tehnički poslovi)

- (1) Broj zaposlenika za obavljanje administrativnih, računovodstveno-finansijskih, upravljačko-stručnih, drugih općih i tehničkih poslova utvrđuje se po strukturi u skladu sa specifičnim potrebama visokoškolske ustanove i njenih organizacionih jedinica.
- (2) Angažovano administrativno i tehničko osoblje mora biti u radnom odnosu sa punim radnim vremenom.
- (3) Broj ovih zaposlenika se projektuje na oko 15% od ukupnog broja zaposlenika koji su sistematizirani Standardima i normativima.

Član 36.

(Održavanje objekta i opreme)

Broj zaposlenika na održavanju objekta i opreme utvrđuje se na osnovu broja studenata i to tako da se za svaku punu liniju od prve do završne godine studija sistematizira po jedan zaposlenik.

Član 37.

(Održavanje higijene objekta i opreme)

Broj zaposlenika na održavanju higijene objekata i opreme utvrđuje se na osnovu ukupne površine, definirane na osnovu optimalne površine po jednom studentu za odgovarajuću vrstu studija i to tako što se normira površina za čišćenje po jednom izvršiocu kako slijedi:

GRUPACIJA	Norma po jednom radniku
Umjetničke akademije	600 m ²
Visokoškolske ustanove na kojima je više od 40% eksperimentalnih i laboratorijskih vježbi	700 m ²
Ostale visokoškolske ustanove	900 m ²

DIO ČETVRTI – PRELAZNE I ZAVRŠNE ODREDBE

Član 38. (Prestanak primjene)

Danom stupanja na snagu ove odluke prestaje primjena Standarda i normativa za obavljanje djelatnosti visokog obrazovanja na području Zeničko-dobojskog kantona („Službene novine Zeničko-dobojskog kantona“, broj 7/06).

Član 39. (Stupanje na snagu)

Ova odluka stupa na snagu narednog dana od dana objavljivanja u „Službenim novinama Zeničko-dobojskog kantona“, a primjenjuje se od akademske 2013/2014. godine.

Broj: 02-38-6796/13.

PREMIJER

Datum, 25.03.2013. godine

Zenica

mr.sci.Fikret Plevljak dipl.ing., s.r.

110.

Na osnovu člana 16. stav 4. Zakona o Vladi Zeničko-dobojskog kantona-Prečišćeni tekst („Službene novine Zeničko-dobojskog kantona“, broj 7/10), na prijedlog Ministarstva za poljoprivredu, šumarstvo i vodoprivredu, Vlada Zeničko-dobojskog kantona, na 104. sjednici održanoj dana 25.03.2013. godine, donosi

ODLUKU

o načinu i kriterijima privremene dodjele lovišta na korištenje

I.

Ovom Odlukom utvrđuju se uslovi i vrijeme privremene dodjele lovišta na korištenje Udruženjima građana-Lovačkim društvima sa područja Zeničko-dobojskog kantona, do stvaranja uslova za dodjelu lovišta na korištenje u skladu sa Zakonom o lovstvu.

dobojskog kantona, do stvaranja uslova za dodjelu lovišta na korištenje u skladu sa Zakonom o lovstvu.

II.

Uslovi i vrijeme privremene dodjele lovišta na korištenje Udruženjima građana-Lovačkim društvima sa područja Zeničko-dobojskog kantona, utvrđuju se u skladu sa godišnjim planom gazdovanja lovištem za lovnu 2013/2014. godinu.

III.

Prava na korištenje i upravljanje lovištem imaju Lovačka društva-Udruženja građana sa područja općine u kojoj je ustanovljeno lovište, izuzev spornog dijela površine lovišta između općina Usora i Tešanj, zbog kojeg je pokrenut postupak zaštite vitalnog nacionalnog interesa kod Ustavnog suda Federacije Bosne i Hercegovine. Pravo na korištenje i upravljanje privrednim lovištem "KAMENICA" sa područja općine Zavidovići ima JP Šumsko-privredno društvo Zeničko-dobojskog kantona d.o.o. Zavidovići.

IV.

Ovlašćuje se Ministarstvo za poljoprivredu, šumarstvo i vodoprivredu Zeničko-dobojskog kantona da gazdovanje i upravljanje lovištem dodijeli na jednu godinu, tj. lovnu sezonu 2013/2014. godinu, zaključivanjem Ugovora o ustupanju lovišta na korištenje.

V.

Zadužuje se Ministarstvo za poljoprivredu, šumarstvo i vodoprivredu Zeničko-dobojskog kantona da realizuju ovu Odluku u skladu sa zakonom i podzakonskim aktima u okvirima svoje nadležnosti.

VI.

Ova odluka stupa na snagu danom objavljivanja u Službenim novinama Zeničko-dobojskog kantona.

Broj: 02-26-6798/13.

PREMIJER

Datum, 25.03.2013. godine

Zenica

mr.sci.Fikret Plevljak dipl.ing., s.r.